

摘藻堂四庫全書薈要

集部

欽定四庫全書蒼要

聖祖仁皇帝御製文第三集卷四十五目錄

古今體詩二十五首

詠嶺外金蓮盛放可愛

大城文安等處堤修完舟中駐蹕王家口

朕偶至潭柘覽老和尚照福畫像因而有感故

作詩賜之

賜皇太子生辰詩

國舅佟國維六十壽詩以賜之

靜明園喜雨

密雲作

石匣營作

倣唐人戲作

讀書得風雲月露字因而分作四句中成絕一

首

塞外新秋

夜聞雷雨大作曉賦志喜

賦得芳氣有無中

早起看雪

詠盆中松竹梅各一首

靜坐讀書自喻 并序

詠鴈

立春

詠彈琴

四十年除夕書懷

賦得爆竹聲中一歲除是日微雪

賜雲南法界寺講經溥覽

燈節戲作

欽定四庫全書薈要卷一萬三千一百二十九

集部

聖祖仁皇帝御製文第三集卷四十五

古今體詩二十五首

詠嶺外金蓮盛放可愛

小令柳梢青

萬頃金蓮平臨難盡高眺千般珠感移花翠翻帶月無
暑神仙閒俗人莫道輕寒悠雅處餘香滿山嶺外磊落
遠方隱者誰似清

大城文安等處堤修完舟中駐蹕王家口

積水頻縈慮長堤幸已成桑麻連井邑花柳近清明漸
愜勤民意還深問俗情蘭橈經過處布穀喚春耕

朕偶至潭柘覽老和尚照福畫像因而有感故作

詩賜之

法像儼然參涅槃皆因大夢住山間若非明鏡當臺語
笑指真圖併戒壇

賜皇太子生辰詩

百歲桐長老千年松滿枝萬峰迎瑞氣億兆慶靈芝

國舅佟國維六十壽詩以賜之

領袖高門稱退讓
英華雅望冠椒房
謙和不恃勲臣貴
謹恪能承寵眷長
鶴算天增壽國老
松年仙授養生方
齊眉共享團圓慶
特賜流霞捧壽觴

靜明園喜雨

西山初夏玉泉清
暮雨隨風滿鳳城
四野皆霑比屋慶
八荒盡望樂豐盈

密雲作

連年駐蹕此城隈
雲谷無塵金碧堆
斗室何妨宇宙志
晨昏常掖

輦輿回

石匣營作

青嶺橫峰蔭薜蘿
時方小暑綠新荷
蒲編詩興光巖穴
虎士桓桓扣角歌

倣唐人戲作

一村耕作兩村耕
兩處緣來一處成
下土豐身上土旱

南山落雨北山晴
河流數轉河流去
任性無常任性行
萬物參差須格物
一生何苦太闕情

讀書得風雲
月露字因而分
作四句中成絕一首
吟風欲識詩書髓
弄月須參天地心
莫遣雲塵繞八極
時時湛露沛高深

塞外新秋

松塞雲峰轉邊陲
秋氣長楓林消溽暑
柏葉送清香未
黍宜關外情懷喜
夜涼年豐還重穀
處處有餘糧

夜聞雷雨大作曉賦志喜

秋成望澤意懸懸駐輦山莊已數天雷送溪聲連夜雨
鑪凝香靄潤鸞牋開襟漏報殘鐘曙破夢茶敲活水煎
半百無文惟自樂頓教心地作清連

賦得芳氣有無中

大儒吟詠物正自託詩情氣質原含內芬芳遠向榮藕
花中外直絳雪有無名惟願菊蘭氣山林勿使輕

早起看雪

凜冽朔風舞雪透迤靜夜高眠起聽芸窗萬籟依然尋
句韋編

詠盆中松竹梅各一首

松

歲寒堅後彫秀萼山林性移根黼座傍可託青松柄

竹

此君霜後青密葉欲停雪叢篁傍小山清節依然潔

梅

瓊枝遺玉骨粉蕊趁冰姿香透芙蓉帳詩成度玉墀

靜坐讀書自喻

并序

朕在暢春園萬幾之暇季冬寒甚連日風雪靜坐讀書自限文韻偶成二十韻自喻朕原本無學不過經書成語堆集成句卿等皆老學素望朕所深知其中韻脚不當平仄不和典故不穩聯句不雅者即速改正或成一篇亦未可知

壯年好血氣半老少知聞顧諟惟當謹銘盤不至窘勵

精勉圖治盱食盡民殷性理宗濂洛臨摹倣鸞羣煌煌
勞夢想濟濟詠南薰懸鐘是進德止輦問停雲懷保編
氓苦惠鮮鰥寡煜留心刑服念鄙笑圖書焚優禮任舟
楫憑軒尊典墳前星誠琢磨帝子識羣分外戚無矜勢
諸王惜舊勲烽烟熄萬里瀚海畏三軍淮黃關國計漕
運致憂勤土木毋輕動民情宜所欣志廣則寬裕神清
息俗紛由來惡旨酒自喻喜玄纁長歌詠白雪論賦小
橫汾幾暇講寥廓提籌算紫氛乾陽得復轉測景考斜

曠有始無終歎為山一簣僅

詠鴈

品清歛燕雀高潔許賓鴻衡陽時有憶留伴佐雄風

立春
調寄太平時

淑景維新爆竹聲手調羹詞臣載筆賦瓊英學西京
鳳閣龍樓晝漸長物資生勸官勉力盡昇平竹馬迎

詠彈琴

流水高山志清音本自虛朱絃準古調和氣近宸居

四十一年除夕書懷

平生宵旰志七七又將過忘寢愁賜兩精心勉泰和送
寒辭故歲待曙問民疴莫論新春媚預憐五噫歌

賦得爆竹聲中一歲除是日微雪

爆竹連宵不夜城占年積素即豐盈維新四始全仁政
修省三朝冀太平拂曙和風臨上日通晨淑氣擁華清
願將柏葉芳樽酒賜與臣鄰共大羹

賜雲南法界寺講經溥覽

昆明度法語滇海論新禪萬里雖云遠金經自有傳

燈節戲作

隱隱光風度柳條千尋銀箭列丹霄龍銜火樹開花看
欲見山青待雪消

聖祖仁皇帝御製文第三集卷四十五

欽定四庫全書薈要

聖祖仁皇帝御製文第三集卷四十六目錄

古今體詩三十首

三渡齊河即事

趵突泉留題源清流潔四字

夜登泰山

新柳

覽淮黃成

登金山望長江

虎丘

雨後見桃花

過雲栖憩竹林下令人劬筍劬蘭

雲栖歸途遇雨

錢塘江潮

西湖夜月

岸側桑葉初碧

癸未春二月二十日自杭回至蘇州是夜雨二
十一日朕欲北行地方大小官員百姓留住
二十二日雨甚再留不能起行二十三日雨
晴又欲留故書懷以示

巡省江浙見閭閻有起色示諸臣省刑愛民

船泊無錫

至江寧百姓歡迎遮道志喜

行宮春雨作書竟日

江寧道上口號

清明麥秀

下長江舟中作

自江寧至京口

登焦山

維揚雨霽

見泰安等數州縣饑民亟命設法賑濟

東八牖舟遇順風志喜

閱兩河告成事畢因有恩詔星夜回京至天津
書懷

前過江浙桃花已放今回鑿至津門復見桃花
盛開

詠各種牡丹

詠杜鵑花賜高士奇

欽定四庫全書

卷四十六目錄

欽定四庫全書蒼要卷一萬三千一百三十

集部

聖祖仁皇帝御製文第三集卷四十六

古今體詩三十首

三渡齊河即事

淑氣霓旌繞光風拂濟川
曾經三次渡未若十年前
疾苦勞宵旰深恩賴保全
頗知民食重安撫責臣賢

趵突泉留題源清流潔四字

突兀泉聲湧淨波東流遠近浴
羲和源清分派白雲潔

不慮浮沙汙水渦

夜登泰山

日斜登泰岱嶺腹隔層霄
深夜回鑿處便忘石磴遙

新柳

畿內柳絲未出黃
江南柳色已成行
鬱金枝上啼鶯早
積翠河邊待夕陽

覽淮黃成

殷勤久矣理淮黃
幾度風塵授治方
九曲素稱天下險

四來實為兆民傷使清引濁須勤慎分勢開疏在不荒
雖奏安瀾寬盱食誠前善後奠金湯

登金山望長江

煙雲清處曉霞飛萬里滔滔映紫微靈液渺茫浮淑氣
孤峰崢嶸照晴暉花翻浪湧疑天色風動帆張共德威
晝夜如斯莫間歇體乾勉已識璿璣

虎丘

秀壁名吳水懸蘿接紫霞仁風期大吏厚俗止紛華停

輦輿情問開軒畎畝賒笙歌陳勿用意使盡桑麻

雨後見桃花

新雨濛濛宜五沃蒸霞始放見錢江初春錦繡鋪千樹
落日微吟坐北窻

過雲栖憩竹林下令人劖筍劖蘭

尋春二月幸雲栖滿目天光八品題密林布蔭樵漁樂
幽柏成行蕙芷齊浴手臨泉開箨筍傍巖倚石選蓬萊
餘杭風景西湖勝未若山中待竹迷

雲栖歸途遇雨

錢江風雨促前旌
竹樹繽紛細草萌
夾岸黎元瞻拜切
頻施膏澤愜民情

錢塘江潮

相傳水岸雪崖勢
滾滾掀翻擁怒濤
風靜不聞千里浪
三臨越地識江皋

西湖夜月

月照清漣靜不波
鸞簫象管夜來多
輕舟豈羨江湖勝

欲寫無私屬棹歌

岸側桑葉初碧

夾岸青青遶御舟
濃桑初茁滿村謳
省方遍問蠹家苦
春雨連綿盡日憂

癸未春二月二十日自杭回至蘇州是夜雨二十
一日朕欲北行地方大小官員百姓留住二十
二日雨甚再留不能起行二十三日雨晴又欲
留故書懷以示

躊躇星夜兩河工又至吳鄉泊趁風春雨姑蘇留豹尾
黎情江浙戀青驄翠華景從無雲蓋徧覆時巡有折衷
不意龍蟠虎踞勝豈因景物雜謙冲

巡省江浙見閭閻有起色示諸臣省刑愛民

巡方不用駕樓船白舫蘭橈問市廛和氣成春知歲稔
清風布物愛時妍齊民但示蒲鞭辱報國應同竹節堅
莫恃才名輕庶政冥冥中自有青天

船泊無錫

揚帆百餘里警蹕惠山泉竹倚青松外藤懸秀嶺巔垂
楊初匝慢新藻寫澄淵惟愛此清潔開言點素箋

至江寧百姓歡迎遮道志喜

童叟欣迎步輦前春風潤雨萬條煙若非念切軍民久
爭得歡聲祝八千

行宮春雨作書竟日

離宮暫駐輦竟日檢牙籤自愧書家與臨池正筆傳

江寧道上口號

白下回程傍竹林
平山水溜似鳴琴
星馳不為陰晴阻
瓜步城南念舊吟

清明麥秀

清明前後麥花香
遍野氤氳映驪驪
須認秋成春雨密
隔溪村落飲斜陽

下長江舟中作

一鷺蘆中起雙鷗
沙上鳴翠煙含碧
嶂瑞靄覆瓊英
洲轉牙檣亂江流
大塊橫智仁山水
德動靜也移情

自江寧至京口

輕綃初霽引江干，隔岸蘆洲映水寒。
吳會人文因氣秀，金焦巒勢起弘觀。
往來客旅千重艦，上下波濤萬里灘。
逝者綿綿無歇息，利名今古視艱難。

登焦山

風帆戰艦入沙洲，不動雲煙一豫遊。
只見晴光安水面，潮聲靜裏卷潭湫。

維揚雨霽

二十四橋夜雨收
蜀岡阜下水西流
禪心欲定沾泥絮
不為繁華紫綺裘

見泰安等數州縣饑民
亟命設法賑濟

東路行輦到人食
正薦饑呼庚兒女
盼宸遊衆所依
村中皆菜色散去
掩柴扉救荒先發
穀轉漕迅如飛
兩旬無多日有司
報民歸地丁既已
責私派務全希
盡力專邦本留意
欲國肥麥秋猶可
望黎命具庶幾

東八牖舟遇順風志喜

千里程途數日還
岸迴轉轉抱清灣
雲帆不用荃橈力
喜志恩從大內頒

閱兩河告成事畢
因有恩詔星夜回京
至天津書懷

閱河臨南國飛旆轉
金臺不畏中宵困
豈因華祝催千秋
明鏡鑑萬壽鄙霞杯
沐雨櫛風緊恩從渙
汗開

前過江浙桃花已放
今回鑿至津門復見
桃花盛

開調寄點絳唇

再見桃花津門紅映依然好回鑿纔到疑似兩春報

錦纜仙舟星夜盼辰曉情飄渺豔陽時媚不是垂楊老

詠各種牡丹

晨葩吐禁苑花時就新晴玉版參仙蕊金絲雜綠英色
含潑墨發氣逐彩雲生莫訝清平調天香自有情

詠杜鵑花賜高士奇

石巖如火本天台秀質丹心日月催移根禁苑清詩句
朱夏山林惜茂才

聖祖仁皇帝御製文第三集卷四十六

欽定四庫全書蒼要

聖祖仁皇帝御製文第三集卷四十七目錄

古今體詩三十六首

賦得萬物靜觀皆自得

麥秋盈野志喜并序

將之山莊四首

賦得綠樹陰濃夏日長

尖齊圓健筆之四德戲作四首

全宋文卷之二十一
卷四十七
古戍三絕

賦得雨灑石壁來

塞外山莊

每時屆炎暑即赴口外掖

輦視膳朝夕溫清自初夏

皇太后偶爾違和故不至此清涼之境因詠懷一首敬

書於笕頭恭

進以接清風而舒遠慕之微悃而已

避暑駐蹕山莊六月間陰霖少晴自立秋日晴
霽喜懷

山莊夜雨聽灤河溜聲

穹覽寺偶成

凡裕親王輓詩二律

過固關入山西境

固關口號

平定州

幸西省至太原

渡黃河潼關駐蹕

入陝西境

望華山

渭河見終南山

冬至日抵西安遙祝

皇太后萬壽

長安行

西安偶作

回鑿至華陰欲登華山因風霧所阻

由豫省回鑿渡孟津

賜超玉和尚

欽定四庫全書薈要卷一萬三千一百三十一

集部

聖祖仁皇帝御製文第三集卷四十七

古今體詩三十六首

賦得萬物靜觀皆自得

布教皇風性理尋
右文惠化無私臨
清閑靜省危微志
宴坐動觀人道心
天地渾元肅氣象
乾坤闔闢識書林
聖賢雅頌原無遠
實在存神詠四歲

麥秋盈野志喜

有序

歲次癸未夏至有事於方澤齋戒自暢春園進宮見
麥氣盈秋田園茂勝雨暘得時稼穡有望從來北方
雨澤豔陽清和之際每每難得皆因去冬陰雪連綿
自春至夏未欠甘霖所以草木花果罔不豐榮人心
穀價罔不和平故志喜而為詠

去冬盈尺雪占年今夏脩脩麥隴全萬畝皆齊誕降穀
千家秀實已登阡先憂暘雨惟民疾後樂時豐紀玉牋
志喜雕蟲晚學愧薰風南至影花輒

將之山莊四首

畏暑心何勝
平明出玉墀
萬幾豈歇息
臨政有疇咨

其二

暖溜自平地
風光此日佳
暄波由近發
浩澤無津涯

其三

駐輦相風竿
臨書羨五傳
情瀾分暑節
疏爽須葵扇

其四

霖雨消塵蹟
輕霞照野荆
詞臣每扈從
上賞賦昆明

賦得綠樹陰濃夏日長

綠槐影蔭碧紗厨茂樹紛紛葉漸殊
綿雨新霖消九夏薰風初熟未三驅
未垂蟬咽濃陰下修景雲開炎暑無
長日山中吟詠畢氣清塞外鄙涼珠

尖齊圓健筆之四德戲作四首

尖銳雖云利鋒鋠日計摧藏拙莫言
巧生花自有來

其二

齊之故有道人一已午能默運良為手
揮毫須敬承

其三

圓活幽人本珠璣三品詳剛方學米芾宛轉傲其昌

其四

健乃乾行體才分不息功書稱欽若語賡頌賴文風

古戍三絕

隱隱山頭皆古戍中原民力盡邊城曾聞父老經年戰
回首生靈血淚盈

其二

金甌永固識人和萬里烽煙發興多設使山林有暗曉
更須太息論如何

其三

舊日山中罷馬歎今時避暑樂清風窮兵豈若為觀德
仁義無私八表同

賦得雨灑石壁來

潤葉隨風洗綠枝羣峰著雨盡離披陰霖又念農家業
事事何煩先預知

塞外山莊

截薛連青嶂懸崖挂綠溪魚隨淵靜戲鶴喜樹高棲洞
遠行僧斷林寒過客迷惟予心舊好逸興少同躋

每時屆炎暑即赴口外掖

輦視膳朝夕溫清自初夏

皇太后偶爾違和故不至此清涼之境因詠懷一首敬
書於笺頭恭

進以接清風而舒遠慕之微悃而已

遙想京中暑氣闌猶思上苑有冰紈山莊咫尺何曾遠
欲進瑤池一笑看

避暑駐蹕山莊六月間陰霖少晴自立秋日晴霽
喜懷

亢暘望十雨靈雨思晴天累日貫秋序終朝潦水綿身
雖無暑汗心實抱連遭忽覩西風緊油雲逐嶺巔

山莊夜雨聽灤河溜聲

臨流震耳似驚潮滾滾泠泠眺綺寮夜色初分秋景霽

風聲已送積霖飄，皆因百壑歸來遠。非是孤川自去饒，
何比長江無棄物。小河水涸豈容橈。

穹覽寺偶成

塞北鐘聲久不聞，梵音列刹共氤氳。雨花柏樹同僧老，
開世瞿曇永法雲。

兄裕親王輓詩二律

花萼空虛夢悲歌，暮景傷淚同秋雨。濕聲逐碧天長清，
頌連香桂心慈厭帝鄉。徽章縱有秩，寂寂歎時光。

其二

少小同居處義深讀孝經賦詩明務本攜手問慈寧樂
善從無息神襟物外停繁憂題舊日血淚染疎櫺

過固關入山西境

鳥道入雲中風光塞漠同人依險地立城自越山叢俗
樸觀民舍才多壯士雄芹泉連冀北回首指青驄

固關口號

關固須憑人守城高所賴兵防若非威德恩惠恃險何

曾世長

平定州

勞農豈憚元英節
寒景風沙透體來
誌有鵲山無覓處
目前常見凍雲回

幸西省至太原

黎元瞻翠蓋
三晉力桑麻
納稼知豐稔
祈年意靜嘉
邊無戍卒苦
巷有讀書家
此幸非遊玩
隆冬見玉花

渡黃河潼關駐蹕

星源來晉甸天險峙秦關波湧方舟速威明古戍閒萬
民瞻鳳輦百職集鵷班冬省經茲地移風先化頑

入陝西境

世遠山河在漢唐史有存風光移萬戶景物換千門歎
昔當殷鑑壽今廣湛恩從來秦隴地莫使競心繁

望華山

一月風霜塵土中忽看翠蓋擁三峰漢廷金掌今應笑
惟有華巔並古松

渭河見終南山

渭水自縈紆秦川喜清曠山勢何宕崑經過絕塵埃馬
首見層巒直插青霄上雲際有飛泉朝光明畫嶂石險
登臨難心寒不可量太乙奉仙源天都聊騁望歲歲松
栢林遐睎心神暢問俗戒征途便欲慰幽訪

冬至日抵西安遙祝

皇太后萬壽

葭管初回日景長西秦行幸抵披香願將唐句南山壽

遙捧蓬萊萬里觴

長安行

河山天險古金湯都邑規模溯漢唐陸海膏腴本沃壤
秦風慄悍稱巖疆每因賸念勞中夜忍使時巡後一方
遠幸衝寒訪民隱終南太華遙相望幽岐不乏耕織業
漆沮尚存蒐狩塲重農藏富屢詔諭雨暘時若歌豐穰
雄兵超距賈餘勇野老謳吟多宿糧要令遐陬沾湛露
詎以無事弛邊防大閱三軍訓甲士來朝諸部趨蕃王

蠲租恤下恩未已共躋仁壽樂且康渭水冰消回暖律
南山煙靄動初陽停鑿懷古還披卷宵旰勤求意不忘

西安偶作

八水源秦隴山河輔帝京此方文武職須教盡和平

回鑿至華陰欲登華山因風霧所阻

踟躕風霧阻蓮峰未識雲臺止水溶秦地山川聊一望
方輿畝畝盡三農兵民擁道心隨仗文武攀轅淚滿容
涼德何能衢壤樂皆因歲久慶時雍

由豫省回鑾渡孟津


遙望嵩峰欲逼天
太行綿亘洛陽川
金明池畔無烽火
醉白堂前起玉煙
千里中州古擊壤
兩河分界舊原田

穩渡觀民俗
休養心殷冀有年

賜超玉和尚

秦晉山河巡幸畢
回鑾攬轡歷新中
忽聞梵語如風送
疑是江南話桂叢

聖祖仁皇帝御製文第三集卷四十七



總校官庶吉士臣侍朝

校對官檢討臣王鍾健

謄錄貢生臣李敬敏

欽定四庫全書薈要

集部

聖祖仁皇帝御製文集卷

四十八至
五十一

詳校官原任編修臣徐立綱

欽定四庫全書蒼要

聖祖仁皇帝御製文第三集卷四十八目錄

古今體詩三十七首

元旦朝罷

甲申春謁

陵回鑿路經盤山有僧智朴呈接駕詩即用原韻二首
春雪晴望

康熙四十二年夏秋間恒雨為菑山左尤甚朕



夙夜靡寧宵旰焦勞減膳撤樂坐不安席自
冬至夏自夏至秋未嘗晷刻少安雖設法拯
救幾乎難保幸四十三年二麥大熟秋成頗
佳饑者未轉溝壑窮者皆得衣食實非朕之
涼德所感賴上天之所鑒祐也故喜而不寐
作長歌以示

山莊書懷賜大學士

詠醫

山菊藍雀花

靜坐偶成

賦得霜葉紅於二月花

看運河建壩處

題邊景昭鳴禽圖

翰林魏學誠該直命大學士陳廷敬出題考得
四方無事太平年朕喜其句而偶成四韻

立冬微雨雪偶成

冬月微雨聞落葉

燈月文房戲作

園中十種葡萄味甚甘美戲作近體一律以示

南書房諸臣

乏良醫

冬晴

題閩粵進貢小香荔枝

題墨竹

詠燈

賦得梅雪爭春

臘日

季冬南苑十首

南苑晚雪

總兵劉漢業補授肅州因地遠職重特書御製
詩絕句一首賜之以獎武職惜兵愛民之意
也

除夕晚宴

欽定四庫全書蒼要卷一萬三千一百三十二集部

聖祖仁皇帝御製文第三集卷四十八

古今體詩三十七首

元旦朝罷

四十三年瞬息間
罔知自惜鬢將斑
晉秦豐裕羣情悅
齊魯調饑萬姓艱
經史保懷分善惡
古今吏治辨賢奸
一生終始此心在
何卜新春樂解顏

甲申春謁

陵回鑿路經盤山有僧智朴呈接駕詩即用原韻二首
廿載常輕少年華去莫從古松分遠近老衲自春容問
及當時景猶疑隔嶺重山高勞脚力來往徧雲峰

其二

鈴鐸鳴山下田疇雨露恩

是日微雨

經聲連靜舍法語閉柴

門隱跡安無意清思禮世尊春風來拂面依舊是乾坤

春雪晴望

調寄點絳脣

積素飄飄和風欲度千門曉冷時盡了禁苑梅花繞

妙舞鶯聲歌詠清平調殘臘杳青春偏矯日影寒松杪
康熙四十二年夏秋間恒雨為災山左尤甚朕夙
夜靡寧宵旰焦勞減膳撤樂坐不安席自冬至
夏自夏至秋未嘗晷刻少安雖設法拯救幾乎
難保幸四十三年二麥大熟秋成頗佳饑者未
轉溝壑窮者皆得衣食實非朕之涼德所感賴
上天之所鑒祐也故喜而不寐作長歌以示

璇璣玉衡齊七政祇懼敏德天眷命百志惟熙亮天工

六府三事須主敬天地無私本至公人事有違失五正
水旱從來不可測全賴有司勉安定癸未夏秋恒雨頻
二麥秋禾皆沒淪州縣無策萬姓逃父子流離呼蒼旻
奏疏紛紛連早夜手書的的察憂貧蠲賦蠲賑詔數下
民食維艱豈不詢截漕施惠恐不及遣官分養誠沾均
人力雖盡惟時難唯天至仁不絕食甲申春夏風雨調
麥隴脩脩衆喘息夏苗徧野雙穗多輿情顏解去菜色
山左編氓閒且樂畿南黎庶喜而康從此休息須謹慎

防灾備患豈有傷
閑邪存誠勉官吏
清廉奉職守封疆
民脂民膏供爾祿
痛癢莫知悞
壽量宗子家
相同胞義
勿使叢脞述職方

山莊書懷賜大學士

待旦勤勤望雨晴
京南塞北察安氓
已知雲斂無靈潦
未卜田間有稻稔
八月秋成歡宇內
四方風景解春卿
大川舟楫同憂憾
更覺凝承信洛英

詠醫

神聖豈能再調方最近情存誠慎藥性仁術盡平生

山菊藍雀花

雨過初涼至山花徧野馨雖無紅紫豔能使屬車停

靜坐偶成

靜中危坐忘機巧無覺有空色相消渾似太玄非可道
利名終始定難搖

賦得霜葉紅於二月花

塞鴻初度驚霜信楓葉流丹樹樹紅最喜山林清俗念

故應暫却世塵風

看運河建壩處

十月風霜幸潞河，隔林疎葉盡寒柯。
岸邊土薄難容水，堤外沙沉易漲波。
春末淺夫忙用力，秋深霖雨失時禾。
往來踟躕臨淵歎，何惜分流建壩多。

題邊景昭鳴禽圖

青綠繽紛巧畫工，鳴禽對對繞芳叢。
黃鶯能語吟高樹，白燕低飛喜惠風。
騷人紙上貪春晝，客旅村中知氣融。

無意蓬牕真偽辨
枝頭猶帶豔林紅

翰林魏學誠該直命大學士陳廷敬出題考得四
方無事太平年
朕喜其句而偶成四韻

太平久遠須憂慮
無怠無荒即樂天
教化原從風俗起
觀瞻祇係廟堂堅
精心可畏先賢語
守法勿更大義全
問道愚民何為願
官清省事便豐年

立冬微雨雪偶成

朔風拂戶牖
梅蕊報門闌
頒歷小春候
同雲十日寒
瓊

花連雨潤侍女怯衣單念彼窮簷苦還思盤石安

冬月微雨聞落葉

寒條暫歷被風催霜葉紛紛雜雨來節屆元英冬氣暖
恐傷物性豈悠哉

燈月文房戲作

缸花冷月並爭光書幌牙籤御墨香先識薛濤盈淨潔
揮來毛穎賦瓊章

園中十種葡萄味甚甘美戲作近體一律以示南

書房諸臣

休誇大宛貴莫訝漢宮傳十種標名異千條帶葉鮮隨
班命內侍分賜列忠賢飽食和心胃歸鞍賦木天

乏良醫

長息上池水偏疑壽世書七診理不再九候勢全虛肱
折知良術身輕辨病除名醫非取利滌臟足心舒

冬晴

秋雨連綿道不通冬晴少雪喜清宮階前瑞草呈長至

盆內梅花報色紅
閉戶點文燒蠟短
垂簾靜思萬緣空
願言一善猶心定
總覽經書衆慮同

題閩粵進貢小香荔枝

閩粵山川產絳囊
味參崖蜜色含香
大官先散詞林客
捧出瑤階和玉漿

題墨竹 原韻

濃墨叢篁寫意生
風枝欲動不聞聲
虛懷還待寒松友
記與瑤篇識重輕

詠燈

寒冬秉燭不成章
欲解先賢命意長
經史預分知善惡
詩吟自辨性情良

賦得梅雪爭春

梅花十里香猶在
雪白千山嶺益明
盈尺預知秋麥壯
爭春豈不讓生生

臘日調寄風入松

衝寒待臘雪花飄
詞意並琴挑
嘉平歲暮春光近
朔風

列裘暖狐貂須曉民間衣薄那知宮裏寬饒
隆冬氣慘絳香燒披覽共仙韶
羶簾軟幕涼還透微雲一抹散
瓊瑤聽得梅將開也先看綠萼清標

季冬南苑十首

鑿輿出禁門前隊已臨苑威德如風行
感恩似草偃

其二

麥叢還待雪苑靜那看風平野無塵蹟
寒條遠近同

其三

講武不忘威勞農亦預知回看止輦處盡是歲寒枝

其四

武職皆熊貔沒羽穿楊力所向任干城挽強視道德

其五

三驅一面網雉兔正堪肥弦響無虛落日暮即收圍

其六

驥德鄙千里飛黃汗血傳臨風嘶遠路蹋雪意貞堅

其七

赤精長耳速撮獸捺麋鹿迅捷欺飛騰戀主犬為獨
其八

雄飛耻燕雀受縶志凌雲闔臆驚禽鳥鷹揚冠不羣

其九

罷獵歸鞍早樂施命大官分餐不畏冷祇恐夜間寒

其十

離宮乙夜靜堪將歲月除懸燈覽奏摺終始復如初

南苑晚雪

七月傷多雨三冬少問天晴開逾至日雲作近新年臘
雪宜歧麥銀花潤早田心勞催短鬢憂樂驗誰先

總兵劉漢業補授肅州因地遠職重特書御製詩
截句一首賜之以獎武職惜兵愛民之意也

此去陽關路八千總戎遠鎮磧沙邊欲知營伍精兵法
遐邇懷柔似御前

除夕晚宴

辭舊迎新歲事終未知來日與今同平生惡酒難堪飲

一世勞心不計功滿座兒孫教樂善數班鶴鷺勸和衷
此宵家宴逢除夕須遣紛紜靜守中

聖祖仁皇帝御製文第三集卷四十八

欽定四庫全書薈要

聖祖仁皇帝御製文第三集卷四十九目錄

古今體詩六十二首

康熙四十四年元旦用唐太宗元日舊韻

賦得光風徧寰宇

覽皇清文穎內大學士陳廷敬作各體詩清雅醇厚非集字累句之初學所能窺也故作五言近體一律以表風度

賦得當戶翠峰稠

閱河南巡出京

乙酉仲春南巡船窻偶作

船窻對月小飲

擬田家春日

過臨清閘

南巡舟行會通河雜詠四首

河南巡撫趙宏燮陛見求訓旨故作絕句一首

賜之

乙酉南巡途間觀麥少雨上巳日抵徽山湖口
聞春兩大沛因賦五言近體一首以志喜

楊家莊新開中河得順風觀民居漫詠二首

駐蹕淮安一宿即過

幸天寧寺

朕每至南方覽景物雅趣川澤秀麗者靡不賞
玩移時也雖身居九五樂佳山水之情與衆

何異但不至曠日持久有累居民耳所以一

目即過者亦恐後人錯借口實而不知所以

然也至於茱萸灣之行宮乃係鹽商百姓感

恩之誠而建起雖不與地方官吏但工價不

下數千嘗覽漢書文帝惜露臺百金後世稱

之况為三宿所費十倍於此乎故作述懷近

體一首以自警又粘之壁間以示維揚之衆

覽奏章少倦甲夜得寢又被清磬驚醒復睡夢

中作成起時已忘少半故前後增補以成四
韻賜紀蔭老和尚邇來未臨法書久不作字
手澁難於運管字不甚佳

長江靜浪歌

自過江至常州府雜詠四首

至閭門

虎丘一詠

自蘇州行至昏刻未到崑山河傍有竹林數畝

晚風可佳故駐蹕於此賦得勁節疎枝帶晚
風之句

雨中登玉峰

船泊三江口

汎黃浦江

松江進鮮鱗魚有懷

駐蹕杭州府

西湖遇雨

西湖戲作

幸雲栖二首

無錫惠山之作

回舟至常州府是夜甘霖大沛

自鎮江之江寧

駐蹕江寧雨後幸雨花臺

織造處閱機房

自龍潭用戰艦頃刻至金山

見龍行

并序

高旻寺塔頂放光

回鑿中河三首

千葉蓮池夜間雨滴之聲

詠畫梨花

乙酉秋日山莊偶成

一路清廉圖

賜吏部尚書宋犖予告還里

大病少愈見春至述懷

春日有所思二首

五臺有懷

大學士張玉書輓詩

孟秋涼風初至

賦得秋水共長天一色

新秋

欽定四庫全書會要卷一萬三千一百三十三集部

聖祖仁皇帝御製文第三集卷四十九

古今體詩六十二首

康熙四十四年元旦用唐太宗元日舊韻

午夜占天象平明憶歲光
旌旗旋轉動鐘鼓奏玕璫
臨下開誠信守身勿自荒
履端出寶厯正始勉巖廊
聖道原無遠仁慈漸得昌
位高仰五帝責重倣三王
惜物由心儉去華莫喜妝
常懷兢惕誠遐邇願梯航

賦得光風徧寰宇

佳氣先春麗景殊光風徧拂到寰區新年二日逢齋戒
去臘三朝讀典謨立志銘心闕洛理虛懷注念鬼神孚
豈知人意皆從善愛此元元是翠圖

覽皇清文頴內大學士陳廷敬作各體詩清雅醇
厚非集字累句之初學所能窺也故作五言近
體一律以表風度

橫經名視草記事翼鴻毛禮義傳家訓清新授紫毫房

姚比就韻李杜並詩豪何似昇平相開懷宮錦袍

賦得當戶翠峰稠

限山鬟闕顏

杳冥巉巖石蒼茫遠近山案書無俗韻侍女有雲鬟靜
省參三教動淪閉四闕閒來偶獨詠自笑為開顏

閱河南巡出京

五言排律十二韻

五幸畿南域鳴鑿出帝京數巡乏鏡海減從省春耕人
望返風吏官箴留犢名治民屬大法分閭欲冰清豫動
懷柔典觀瞻感慨情東臯迎淑氣綺陌擁霓旌凍解流

漸遠寒遲惜歲更岸容新柳報堤候早梅驚日月幾何
改神思逐物縈停車諮實政載路喜和平綠鬢將成白
衰顏義自明精微執一旨守久道心生

乙酉仲春南巡船窻偶作 調寄柳梢青

大塊光風春疇一望滿目從容桂棹初搖牙檣始立淑
色煙籠 隄邊對對賓鴻村莊裏安平氣融樂志情深
讀書意遠與古和同

船窻對月小飲

皎潔朧朧向晚明
鮮雲細雨過帆輕
上樽空設原非飲
梅賦無花句亦成
媚景依然鋪錦甸
晴光更與助桃笙
隔溪酒市迎流近
轉岸遙聞笑語聲

擬田家春日

芳晨麥隴布風和
片片如雲萬畝坡
忽覩遠村垂柳處
喧聲頗覺住人多

過臨清閘

岸轉蒲帆速檣回
樹影低波傾閘勢
險溜緊浪聲齊連

歲歌雲漢今春釋慘悽往還為赤子注意在黔黎

南巡舟行會通河雜詠四首

風勁寒猶在低蓬抵博平麥畦青遍野方意近清明

其二

三載齊民饑多方濟一喘後先益在茲晷刻心難遣

其三

遲日雲煙靜芳春膏澤多時暘時雨望祝稔並祥禾

其四

案讀臨清流澄懷夕景悠勅幾逢事少吟詠敢忘憂

河南巡撫趙宏燮陛見求訓旨故作截句一首賜
之

宣布撫安在已廉剛柔率屬要溫謙中州民俗多忠厚
務使和平莫太嚴

乙酉南巡途間觀麥少雨上巳日抵微山湖口聞
春雨大沛因賦五言近體一首以志喜

農事遍東臯心閒不自勞聞添濟運水風送逐漁篙雨

罩湖光隱春深日影高遙觀兩岸麥樂志賦輕舸

楊家莊新開中河得順風觀民居漫詠二首

瞬息風帆百里餘往來數次過淮徐光陰猶似當年景
自覺頻催點鬢疎

其二

春雨初開弄柳絲漁舟唱晚寸陰移廟堂時注淮黃事
今日安瀾天下知

駐蹕淮安一宿即過

鶯黃垂柳迓清明野望湖邊遠碧橫古渡煙波春色好
新堤靜溜水心平杏花纔吐梅先盡鸚鵡偏言鶯未鳴
迅速行舟惟一目何關有意與無情

幸天寧寺

空濛為洗竹風過惜殘梅鳥語當階樹雲行動早雷晨
鐘接豹尾僧舍踏芳埃更覺清心賞塵襟笑口開

朕每至南方覽景物雅趣川澤秀麗者靡不賞玩
移時也雖身居九五樂佳山水之情與衆何異

但不至曠日遲久有累居民耳所以一目即過者亦恐後人錯借口實而不知所以然也至於茱萸灣之行宮乃係鹽商百姓感恩之誠而建起雖不與地方官吏但工價不下數千嘗覽漢書文帝惜露臺百金後世稱之况為三宿所費十倍於此乎故作述懷近體一首以自警又粘之壁間以示維揚之衆

又駐塔灣見物華先存蔀屋重桑麻惠風徧拂維揚市

沛澤均霑吳越家作鑑道君開艮嶽長噓煬帝溺瓊花
澆胸經史安邦用莫遣爭能縱慾奢

覽奏章少倦甲夜得寢又被清磬驚醒復睡夢中
作成起時已忘少半故前後增補以成四韻賜
紀蔭老和尚邇來未臨法書久不作字手澁難
於運管字不甚佳

春夢深沉新剎中陡聞清磬在鄰東方疑般若若真非相
不解金經盡是空鼻豎眉橫無著落胸寬意闊有塵籠

毫光咫尺臨高眺滿目江干淑景融

長江靜浪歌

傳來江勢最兇險萬里長流湍激濫蔥嶺分派自岷山
江漢黑水界蜀陝逶迤東注百川歸縈帶如駛經諸磯
風波雲霧全眇眇羣峰屹立暝煙微鐵嶺橫江原氣怯
投鞭斷流借蓋威未若自然順天意無急無荒廣川濟
利涉須憑正剛柔分理全賴作舟楫仁者如斯稱水德
治人御事先光霽最喜長江能容物更羨長江有寬厲

每渡無險浪且平登臨慷慨古今情未卜始終概難信
願言永靜勿紛更

自過江至常州府雜詠四首

風平楊子渡舉棹過長江暮色林低水晴光月照窻

其二

愛竹為長綠南方已滿林喬松分路側並作睽江潯

其三

夜過丹陽道紅塵不染帆氤氳存五內浩氣託經函

其四

延陵曙色闌
意與渚田寬
人盡農桑力
文風表裏觀

至閭門

明麗山川列象輝
光風輕艦帶煙霏
雲隨御仗分河畔
雨洗微塵花點衣

虎丘一詠

三天風雨百花催
獨賞幽蘭倚檻栽
俯瞰田間浮麥浪
輿情足食即春臺

自蘇州行至昏刻未到崑山河傍有竹林數畝晚
風可佳故駐蹕於此賦得勁節踈枝帶晚風之
句

無意虛中得勁節非關強作有踈枝晚風不待春將老
寸晷豈容年少時落照崑山掩玉色遠分秦望感人思
初來更覺漁家樂援筆題箋歎暮詩

雨中登玉峰

萬井人煙春雨濃菜花麥秀滋丰茸登高欲識江湖性

染翰留題文筆峰

船泊三江口

滿眼湖山麗九峰負海隅沃野吳淞境橫雲館驛衢觀
風來澤國非是喜靈區雨過泊舟處星連映水珠

汎黃浦江

飛渡浦江意自如午潮往返到階除欲知震澤分流處
非是觀漁觸浪餘

松江進鮮鱒魚有懷

古有盛魚奉老親錦鱗初得尚方珍雖然星夜傳馳驛
豈似鮮新出水濱

駐蹕杭州府

越境湖山秀文風天地成南臨控禹穴西枕俯蓬瀛容
與雙峰近徘徊數句盈民心多愛戴少慰始終情

西湖遇雨

雨洗催花葉滿林柴門曉色靜沉沉微飄柳絮春光晚
輕縠徐波見水心

西湖戲作

晴雨分山色
臨流啓壯觀
樓臺橫水面
梵塔插雲端
忽訝松間竹
當誇巖下蘭
風光被草木
無處不成歡

幸雲栖二首

鳥道沿江問
信潮石頭恬
靜有歸橈
轉移至險看
洄洑盡得人
防莫失調

其二

竹徑因依長
綠苔桑田菜
麥碧巖隈此
來也為佳山水

又恐遲行畏景催

無錫惠山之作

花盡春殘一徑深
清流長惹百年心
溪邊鳥語錫山麓
坐對梧桐歎碧林

回舟至常州府是夜甘霖大霈

夏淺雲高惜阪田
江南比歲賴豐年
麥秋徧野堪收穫
靈雨愆期倍惕乾
夜半蓬窻聞浙瀝
曉來練浦聽潺湲
此行往返無他事
益見民情遠近虔

自鎮江之江寧 調寄臨江仙

一路江邊煙景千般鶯曉園林夕陽小屋暫容身松風
清習氣麥浪得甘霖 夾岸漁歌唱晚臨流按譜行吟
肩輿遙指石榴陰怡情援筆錄危坐待知音

駐蹕江寧雨後幸雨花臺

膏澍一夜雨初曉喜晴輝驚蹕長千里鳴鑿不闔扉人
勤並物盛官守莫心違出京遲日久怯暑便思歸

織造處閱機房

終歲勤勞匹練成千絲一剪裁縱橫此觀不為雲章巧
欲儉驕奢賭未萌

自龍潭用戰艦頃刻至金山

來往無濤如皎鏡江干極目遠峰連昔時血戰君山側
今日平成萬里天

見龍行并序

四月三十日駐蹕金山是日申刻無風雷惟細雨一
陣既過而西南現龍橫亘數十丈宛轉移時遂入雲

端問及土人非起蛟也名為龍見以為祥瑞等語朕亦不以為異故援筆漫成見龍行以示隨侍

在田在天連二五純陽變化叅吞吐非如起蛟壞田廬
又非密霧傷園圃雲端前後發祥光透迤上下行有矩
而乘六龍以御天不違施德普時雨有元有悔有虧盈
首出庶物用精明大哉龍德從其類發揮純粹須經營
長江一派何泱泱素波萬里盡澄泓象震凌雲敷元氣
日新顧諟玩無聲

高旻寺塔頂放光

塔頂丹霄近光函宜日中成平願地久熙皞似山崇不
識曇雲法先知寰海同回舟何怪速心急盼潮風

回鑿中河三首

風雨中河阻心旌北望遙歸舟吳越遠不必憶溪橋

其二

江南苦雨多冀北少靈雨此念未嘗忘此心鑑萬古

其三

錦纜牽舟遠蒲帆逐浪深回看舊蹕處不競自澄心

千葉蓮池夜聞雨滴之聲

田田荷蓋雨聲齊樓蕊繽紛向晚迷樹葉不愁點翠幄
秧針豈憶灌青畦密林有意通宵響茂草無知徧地萋
偶爾喜吟今歲好漫將詩句入新題

詠畫梨花

最愛梨花白又惜同春老惟此畫圖中冬夏長美好不
令風雨摧且無蜂蝶嬈靚妝伴月容盡在紙間造惡紫

嫌奪朱素體物難攬三品運胸中六法生卉草

乙酉秋日山莊偶成

山花野菊喜清風塞北煙光報嶺楓無暑不知秋氣至
數叢蘭蕊放離宮

一路清廉圖

青蓮挺挺不污泥豈被重波亂性迷雖有羨魚心尚在
清風由是見崇題

賜吏部尚書宋犖予告還里

久任封疆事蘓臺淨點塵東曹班次重北闕性情真憐
舊吟風度無文餞老臣林泉益壯志當樂故鄉春

大病少愈見春至述懷

神衰意絕見新春忽報春風送紫宸淑氣雖催首正節
病軀不改定中身心傷億兆惜皇極血盡黎元愧聖真
此後如先意未卜紅塵碌碌阜人民

春日有所思二首

淡抹濃妝總是新白鬚慵懶度三春若非碌碌紅塵縛

近得清心養谷神

其二

疊疊愁腸無日舒
春風細雨綠芳初
詩中乏興疑新句
自問何傷露地居

五臺有懷

又到清涼境
巉巖卷復垂
勞心愧自省
瘦骨夕鳴悲
膏雨隨春令
寒霜惜大時
文殊色相在
惟願鬼神知

大學士張玉書輓詩

文章未齒秉絲綸舊德凝承近紫宸
瀚海天山同正略
江干河道與嘗新表賢未及身先沒
頤養空談夢後湮
揮淚長歔歎佐斗從來傷痛肅雍臣

孟秋涼風初至

白髮詳詞切勞心至語煩蟬鳴催木葉月映冷泉源
雲去天疑近露凝草益繁山村題舊事唯德徧黎元

賦得秋水共長天一色

江渚長天一目收滕王風送引扁舟
當年未識文章巧

唐世詩詞並水流

新秋

蟲聲咽晚涼
雲斂天涯外
何處尋高山
知音在一會

聖祖仁皇帝御製文第三集卷四十九

欽定四庫全書薈要

聖祖仁皇帝御製文第三集卷五十目錄

熱河三十六景詩

烟波致爽 并序

芝逕雲隄 并序

無暑清涼 并序

延薰山館 并序

水芳巖秀 并序

萬壑松風 并序

松鶴清越 并序

雲山勝地 并序

四面雲山 并序

北枕雙峰 并序

西嶺晨霞 并序

鍾峰落照 并序

南山積雪 并序

梨花伴月 并序

曲水荷香 并序

風泉清聽 并序

濠濮間想 并序

天宇咸暢 并序

暖溜暄波 并序

泉源石壁 并序

青楓綠嶼 并序

鶯囀喬木 并序

香遠益清 并序

金蓮映日 并序

遠近泉聲 并序

雲帆月舫 并序

芳渚臨流 并序

雲容水態 并序

澄泉遶石 并序

澄波疊翠并序

石磯觀魚并序

鏡水雲岑并序

雙湖夾鏡并序

長虹飲練并序

甫田叢樾并序

水流雲在并序

欽定四庫全書蒼要卷一萬三千一百三十四集部

聖祖仁皇帝御製文第三集卷五十

熱河三十六景詩

烟波致爽 并序

熱河地既高敞氣亦清朗無蒙霧霾氛柳宗元記所謂曠如也四圍秀嶺十里澄湖致有爽氣雲山勝地之南有屋七楹遂以烟波致爽顏其額焉

山莊頻避暑靜默少喧譁北控遠烟息南臨近壑嘉春

歸魚出浪秋斂雁橫沙觸目皆仙草迎牕遍藥花炎風
書致爽綿雨夜方賒土厚登雙穀泉甘剖翠瓜古人戍
武備今卒斷鳴笳生理農商事聚民至萬家

芝逕雲隄

并序

夾水為隄逶迤曲折逕分三枝列大小洲三形若芝
英若雲朶復若如意有二橋通舟楫

萬幾少暇出丹闕樂水樂山好難歇避暑漠北土脉肥
訪問村老尋石碣衆云蒙古牧馬塲並乏人家無枯骨

草木茂絕蚊蝎泉水佳人少疾因而乘騎閱河隈灣灣
曲曲滿林樾測量荒野閱水平莊田勿動樹勿發自然
天成地就勢不待人力假虛設君不見磬錘峰獨峙山
麓立其東又不見萬壑松偃蓋重林造化同煦嫗光臨
承露照青蔥色轉頻歲豐遊豫常思傷民力又恐偏勞
土木工命匠先開芝逕隄隨山依水操輻齊司農莫動
帑金費寧拙捨巧洽羣黎邊垣利刃豈可恃荒淫無道
有青史知警知戒勉在茲方能示衆撫遐邇雖無峻宇

有雲樓登臨不解幾重愁連巖絕澗四時景憐我晚年
宵肝憂若使扶養留精力同心治理再精求氣和重農
紫宸志烽火不烟億萬秋

無暑清涼

并序

循芝逕北行折而少東過小山下紅蓮滿渚綠樹緣
隄面南夏屋軒敞長廊聯絡為無暑清涼山爽朝來
水風微度泠然善也

畏景先愁永晝長晚年好靜益徬徨三庚退暑清風至

九夏迎涼稱物芳意惜始終宵旰志踟躕自問濟時方
谷神不守還崇政暫養回心山水莊

延薰山館

并序

入無暑清涼轉西為延薰山館楹宇守樸不釁不雕
得山居雅致啓北戶引清風幾忘六月

夏木陰陰蓋溽暑炎風款款守峰銜山中無物能解愠
獨有清涼免脫衫

水芳巖秀

并序

水清則芳山靜則秀此地泉甘水清故擇其所宜邃
宇數十間於焉誦讀幾暇靜養可以滌煩可以悅性
作此自戒始終之意云

水性雜苦甜水芳即體厚名泉亦多覽未若此為首頤
卦明口實得正自養壽擇地立偃房根基度長久節宣
在茲求勤儉勿落後朝牕千巖裏峭壁似天剖遠託思
雲漢怡神至星斗精研書家與臨池愈澁手清淡作飲
饌偏心惡旨酒讀老無逸篇年年祝大有

萬壑松風 并序

在無暑清涼之南據高阜臨深流長松環翠壑虛風
度如笙鏞迭奏聲不數西湖萬松嶺也

偃蓋龍鱗萬壑青迤迤芳甸雜雲汀白華朱萼勉人事
愛敬南陔樂正經

松鶴清越 并序

進榛子峪香草遍地異花綴崖夾嶺虬松蒼蔚鳴鶴
飛翔登蓬瀛臨崑圃神怡心曠洵仙人所都不老之

庭也

壽比青松願千齡葉不彫
銅龍鶴髮健喜動四時調

雲山勝地

并序

萬壑松風之西高樓北向
憑牕遠眺林巒烟水一望
無極氣象萬千洵登臨大觀也

萬頃園林達遠阡湖光山色入詩箋
披雲見水平清理
未識無愆守節宣

四面雲山

并序

澄泉繞石迤西過泉源盤岡紆嶺有亭翼然出衆山之巔諸峰羅列若揖若拱天氣晴朗數百里外巒光雲影皆可遠矚亭中長風四達伏暑時蕭爽如秋殊狀崔嵬裏蘭衢入好詩遠岑如競秀近嶺似爭竒雨過風來緊山寒花落遲亭遙先得月樹密顯高枝潮平無湧浪霧淨少多歧脉脉金明液溶溶積翠池常憂思解愠樂志餘清悲素學臣隣老者年自不知

北枕雙峰 并序

環山莊皆山也山形至北尤高亭之西北一峯峻出
勢陂陀而逶迤者金山也其東北一峰拔起勢雄偉
而萃聳者黑山也兩峰翼抱與茲亭相鼎峙焉

嶽竒岡岫紫宸闕乾地金峰坎黑山苦熱雲生雙嶺腹
盆傾瞬息落溪灣

西嶺晨霞

并序

傑閣凌波軒牕四出朝霞初煥林影錯繡西山麗景
入几案間始登閣若履平地忽緣梯而降方知上下

樓也

雨歇更闌斗柄東成霞聚散四方風時光豈在凌雲句
寡過清談宜守中

錘峰落照 并序

平岡之上敞亭東向諸峰橫列於前夕陽西映紅紫
萬狀似展黃公望浮嵐暖翠圖有山矗然倚天特作
金碧色者磬錘峰也

縱目湖山千載留白雲枕澗報深秋巉巖自有爭佳處

未若此峰景最幽

南山積雪

并序

山莊之南複嶺環拱嶺上積雪經時不消於北亭遙
望皓潔凝映晴日朝鮮瓊瑤失素峨眉明月西崑閬
風差足比擬

圖畫難成丘壑容濃妝淡抹耐寒松水心山骨依然在
不改水霜積雪冬

梨花伴月

并序

入梨樹峪過三岔口循澗西行可里許依巖架屋曲
廊上下層閣參差翠嶺作屏梨花萬樹微雲淡月時
清景尤絕

雲牕倚石壁月宇伴梨花四季風光麗千巖土氣嘉
情如白日託志結丹霞夜靜無人語朝來對客誇

曲水荷香 并序

碧溪清淺隨石盤折流為小池藕花無數綠葉高低
每新雨初過平隄水足落紅波面貼貼如泛杯蘭亭

觴詠無此天趣

荷氣參差遠益清
蘭亭曲水亦虛名
八珍旨酒前賢戒
空設流觴金玉羹

風泉清聽

并序

兩峰之間流泉
滔滔微風披拂
滴石作琴筑音
與鶴鳴松韻相應
泉味甘馨怡神
養壽恰合章孝
標松下泉詩注
瓶雲母滑漱齒
茯苓香

瑤池芝殿老萊心
涌出新泉萬籟吟
芳檻倚欄蒸靈液

南山近指奏清音

濠濮間想

并序

清流素練綠岫長林好鳥枝頭遊魚波際無非天適
會心處在南華秋水矣

茂林臨止水閒想託身安飛躍禽魚靜神情欲狀難

天宇咸暢

調萬斯年曲
并序

湖中一山突兀頂有平臺架屋三楹北即上帝閣也
仰接層霄俯臨碧水如登妙高峰上北固烟雲海門

風月皆歸一覽

通閣斷霞應卜居人烟不到麗晴虛雲葉淡巧萬峰明
雁過初賓鴻侶鷗雨秋花遍洲嶼

暖溜暄波

并序

曲水之南過小阜有水自宮牆外流入蓋湯泉餘波
也噴薄直下層石齒齒如漱玉液飛珠濺沫猶帶雲
蒸霞蔚之勢

水源暖溜輒蠲疴涌出陰陽滌蕩多懷保分流無近遠

窮簷盡誦自然歌

泉源石壁 并序

獅逕之北岡嶺蜿蜒數里翠崖如壁下映流泉泉水
靜深尋源徒倚詠朱子問渠那得清如許為有源頭
活水來之句悠然有會

水源依石壁雜踏至河隈清鏡分霄漢層波濺碧苔日
長定九數髮白考三才天賦名猶鄙居心思道該

青楓綠嶼 并序

北嶺多楓葉茂而美蔭其色油然不減梧桐芭蕉也
疎牕掩映虛涼自生蘿葛交枝垂掛崖畔水似青羅
帶山如碧玉簪竒境在戶牖間矣

石磴高盤處青楓引物華聞聲知樹密見景絕紛譁綠
嶼臨牕牖晴雲趁綺霞忘言清靜意頻望羣生嘉

鶯轉喬木

并序

甫田叢樾之西夏木千章濃陰數里晨曦始旭宿露
未晞黃鳥好音與薰風相和流聲逸韻山中一部笙

黃也

昨日聞鶯鳴柳樹今朝閱馬至
崇杠朱英紫脫平原綠
月駟雲驕錯落駪

香遠益清

調柳梢青
并序

曲水之東開涼軒前後臨池中
植重臺千葉諸名種
翠蓋凌波朱房含露流風冉冉
芳氣竟谷

出水連漪香清益遠不染偏竒
沙漠龍堆青湖芳草疑
是誰知 移根各地參差歸何處
那分公私樓起千層

荷占數頃炎景相宜

金蓮映日 并序

廣庭數畝植金蓮花萬本枝葉高挺花面圓徑二寸
餘日光照射精彩煥目登樓下視直作黃金布地觀
正色山川秀金蓮出五臺塞北無梅竹炎天映日開

遠近泉聲 并序

北為趵突泉涌地感沸西為瀑布銀河倒瀉晶簾映
崖微風斜捲珠璣散空前後池塘白蓮萬朶花芬泉

響直入廬山勝境矣

引泉開瀑布迸水起飛珠鏘玉雲巖應色空有若無

雲帆月舫

調太平時
并序

臨水倣舟形為閣廣一室袤數倍之周以石闌疏牕
掩映宛如駕輕雲浮明月上有樓可登眺亦如舵樓
也

閣影凌波不動濤接靈鼈蓬萊別殿掛雲霄粲揮毫
四季風光總無竭卧聞簫後樂先憂薰絃意蘊義爻

芳渚臨流 并序

亭臨曲渚巨石枕流湖水自長橋瀉出至此折而南
行亭左右岸石天成亘二里許蒼苔紫蘚豐草灌木
極似范寬圖畫

隄柳汀沙翡翠苗清溪芳渚躍凡鱗數叢夾岸山花放
獨坐臨流惜谷神

雲容水態 并序

關口之南有室東向綠坡下望綠樹為田青峰如堵川

流溶溶白雲冶冶不知孰為雲孰為水也由長橋而
渡疑入四明山中一逕分過雲南北

雨過雲容易散波流水態長存悠然世俗惟念必得經
書考原

澄泉遶石 并序

亭南臨石池西二里許為泉源源自石罅出截架鳴
雷依山引流曲折而至雨後溪壑奔注各作石堰以
遏泥沙故池水常澄澈可鑒

每存高靜意至此結衡茅樹密開行路山長疑近郊水
泉繞舊石雉雀樂新巢晴夜荷珠滴露凝衆木梢

澄波疊翠 并序

如意洲之後小亭臨湖湖水清漣徹底北面層巒重
掩雲簇濤湧特開屏障扁舟過此輒為流連正如韋
應物詩云碧泉交幽絕賞愛未能去

疊翠聳千仞澄波屬紫文鑑開倒影列反照共氤氳

石磯觀魚 并序

遠近泉聲而南渡石步有亭東向倚山臨溪溪水清
澈修鱗銜尾荇藻交枝歷歷可數溪邊有平石可坐
以垂釣

唱晚漁歌傍石磯空中任鳥帶雲飛
羨魚結網何須計
備有長竿墜釣肥

鏡水雲岑

并序

後楹依嶺三面臨湖廊廡周遮隨山高下波光嵐影
變化烟雲佳景無邊令人應接不暇

層崖千尺危嶂涵綠幾重碧潭獅逕盤旋道北松枝宛
轉山南沉吟力盡難得懸象俯察仰參至理莫求別伎
經書自有包函

雙湖夾鏡

并序

山中諸泉從板橋流出匯為一湖在石橋之右復從
石橋下注放為大湖兩湖相連阻以長隄猶西湖之
裏外湖也

連山隔水百泉齊夾鏡平流花雨隄非是天然石岸起

何能人力作雕題

長虹飲練 并序

湖光澄碧一橋卧波橋南種菽漢荷花萬枝間以內
地白蓮錦錯霞變清芬襲人蘓舜欽垂虹橋詩謂如
玉宮銀界徒虛語耳

長虹清徑羅層崖岸柳溪聲月照階淑景千林晴日出
禽鳴處處入音諧

甫田叢檝 并序


流杯亭之北瓜圃之西平原如掌豐草茂木麇麇雉
兔交物其間秋涼弓勁合烝徒行步圍誠獵塲選地
留憩田間樂曠觀恤閭閻叢林欣賞處遍地豫豐占

水流雲在

并序

雲無心以出岫水不舍而長流造物者之無盡藏也
杜甫詩云水流心不競雲在意俱遲斯言深有體驗
兩後雲峰澄水流遠自凝岸花催短鬢高年寸寸增

聖祖仁皇帝御製文第三集卷五十



總校官庶吉士臣侍朝

校對官檢討臣王鍾健

騰錄貢生臣李敬敏